



جدوال قمبراچاين خطبه جمعة سيري 4/ 2022

(Bulan April 2022)

ب	تاجوق	تاريخ
1.	فرسياقن برتمو فيستا عبادة	1.4.2022M/ 29 Syaaban 1443H
2.	هوتغ (انتارا دوسا دان فهاالا)	8.4.2022M/ 6 Ramadhan 1443H
3.	نزول القرآن: تيتيق برمولاڻ فرومين	15.4.2022M/ 13 Ramadhan 1443H
4.	مرايه كنجرن بركندا	22.4.2022M/ 20 Ramadhan 1443H
5.	رمضان منمتكن فرهباءن ديرى	29.4.2022M/ 27 Ramadhan 1443H
	خطبه كدوا	



فرچيتقن ديباىاي :

زكاة فولاو فينغ

تليفون : 04-5498088

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Penolong Pengarah, Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





HUTANG: ANTARA DOSA DAN PAHALA

(8 April 2022M / 6 Ramadan 1443H)

الْحَمْدُ لِلَّهِ الَّذِي خَلَقَ الْإِنْسَانَ فَهَدَاهُ النَّجْدَيْنِ،
فَأَكْرَمَ بِالْإِسْلَامِ مَنْ شَاءَ مِنَ الثَّقَلَيْنِ،
وَأَشْهَدُ أَنْ لَا إِلَهَ إِلَّا اللَّهُ شَرَعَ فِي مُعَامَلَاتِ النَّاسِ الْقَرْضَ وَالذَّيْنَ،
وَأَوْجَبَ أَدَاءَ الْأَمَانَاتِ إِلَى أَهْلِهَا حَتَّى نَفُوزَ بِخَيْرِ الدَّارَيْنِ.
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ أَفْضَلُ مَنْ مَشَتْ قَدَمَاهُ عَلَى أَرْضِ
الْحَرَمَيْنِ.
صَلَّى اللَّهُ وَسَلَّمَ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَالتَّابِعِينَ لَهُمْ بِإِحْسَانٍ،
مَا تَخَالَفَ فِي الْأَجَوَاءِ أَنْوَارُ الْقَمَرَيْنِ.
أَمَّا بَعْدُ، فَيَا أَيُّهَا الْإِخْوَةُ الْمُؤْمِنُونَ؛ أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ
تُفْلِحُونَ.

SIDANG JUMAAT YANG DIKASIHI ALLAH,

Khatib mengambil kesempatan memulakan khutbah dengan berpesan kepada diri khatib dan hadirin agar kita bersama-sama berusaha membekalkan diri kita dengan ketaqwaan kepada Allah. Ini kerana, hanya ketaqwaan sahajalah yang membezakan di antara seorang manusia dan manusia yang lain. Ketahuilah, bahawa taqwa adalah sebaik-baik bekalan untuk mendapatkan kemuliaan di sisi Allah **سُبْحَانَهُ وَتَعَالَى**.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini akan membicarakan khutbah bertajuk: **"Hutang: Antara Dosa Dan Pahala"**.



SIDANG JUMAAT YANG DIHORMATI SEKALIAN,

Islam adalah cara hidup yang mementingkan keseimbangan dunia dan akhirat. Galakkan mencapai kebaikan di dunia dan akhirat juga dinyatakan Allah ﷻ dengan doa yang sering dilazimi Rasulullah ﷺ iaitu:

عَنْ أَنَسٍ رَضِيَ اللَّهُ عَنْهُ، قَالَ: كَانَ النَّبِيُّ صَلَّى اللَّهُ عَلَيْهِ وَسَلَّمَ يَقُولُ:

اللَّهُمَّ رَبَّنَا آتِنَا فِي الدُّنْيَا حَسَنَةً، وَفِي الْآخِرَةِ حَسَنَةً، وَقِنَا عَذَابَ النَّارِ

Daripada Anas رَضِيَ اللَّهُ عَنْهُ katanya Nabi ﷺ bersabda: “Ya Allah Ya Tuhan Kami, berikanlah kebaikan buat kami dunia, kebaikan buat kami di akhirat, dan lindungi kami dari azab api neraka.”

Doa tersebut yang turut dirakamkan dalam al-Quran pada ayat ke-201 Surah al-Baqarah, memberi mesej kepada manusia supaya mencari bentuk kemudahan dalam melakukan ketaatan kepada Allah ketika mereka diberi tugas beribadah di dunia.

Sebagai contoh, Islam menggalakkan umatnya bekerja mencari rezeki dengan bekerja bersungguh-sungguh. Lihatlah bagaimana Allah memuji Nabi Daud عَلَيْهِ السَّلَام yang bersyukur dengan pekerjaan beliau sebagai tukang besi. Begitu juga, Nabi ﷺ sebagai contoh teladan yang terbaik, mencari rezeki dengan mengendalikan perniagaan isteri Baginda iaitu Saidatina Khadijah رَضِيَ اللَّهُ عَنْهَا.

Begitulah halnya para Nabi melaksanakan urusan dunia untuk mendapatkan manfaat kebaikan dunia dan akhirat. Seorang manusia memerlukan kepada keperluan asasi seperti rumah, makanan dan pakaian untuk kehidupan yang sempurna. Tanpa wang, harta dan aset, seseorang akan mengalami bentuk kesukaran dan halangan dalam melunaskan tanggungjawab yang ditakliffkan oleh agama keatasnya.

Tanpa duit belanja, ibu bapa tidak dapat menghantar anak mereka ke sekolah. Tanpa rumah, manusia tidak dapat berteduh manakala tanpa makanan, manusia pasti kelaparan. Di sini, kita dapat menyedari tentang betapa

pentingnya pekerjaan untuk menjalani kehidupan di dunia ini. Dengan rezeki yang diperolehi seseorang itu terselamat daripada beban hutang.

Dalam permasalahan hutang, terdapat satu ayat yang paling panjang terkandung dalam Surah al-Baqarah ayat 282 yang sebahagiannya bermaksud:

“Hai orang-orang yang beriman, apabila kamu bermu'amalah tidak secara tunai untuk waktu yang ditentukan, hendaklah kamu menuliskannya. Dan hendaklah seorang penulis di antara kamu menuliskannya dengan benar. Dan janganlah penulis enggan menuliskannya sebagaimana Allah mengajarkannya, maka hendaklah ia menulis, dan hendaklah orang yang berhutang itu menuliskan (apa yang akan ditulis itu), dan hendaklah ia bertakwa kepada Allah Tuhannya, dan janganlah ia mengurangi sedikitpun daripada hutangnya....”

SIDANG JUMAAT YANG DIMULIAKAN ALLAH,

Dalam situasi umat Islam hari ini, setelah dilanda wabak yang memberi kesan kepada seluruh dunia, pasti ada dalam kalangan kita yang ditimpa dengan ujian terutama daripada bentuk aspek kewangan.

Suka khatib ingin memberikan peringatan bahawa hutang boleh menjadi dosa, seandainya sengaja melambat-lambatkan tempoh melunaskan hutangnya. Pernah terjadi pada zaman Nabi ﷺ, si mati ditangguhkan seketika solat jenazahnya sehinggalah hutang diselesaikan terlebih dahulu. Maka bagi mereka yang terbeban dengan hutang, dinasihatkan supaya sentiasa melazimi doa yang diajarkan oleh Nabi ﷺ :

اللَّهُمَّ إِنِّي أَعُوذُ بِكَ مِنَ الْمَأْثَمِ وَالْمَغْرَمِ

Maksudnya: “Ya Allah aku mohon berlindung daripada dosa dan hutang”.

(Hadis Riwayat Al-Bukhari)

Hutang juga hukumnya sunat sekiranya pemberi hutang berniat membantu si penghutang daripada kesempitan hidup. Mencatat hutang juga disunatkan kerana perbuatan tersebut adalah salah satu bentuk berhati-hati dalam urusan agama dan dunia. Ia juga dapat mencegah si penghutang daripada sikap lalai dan lupa untuk melunaskan hutangnya apabila tiba waktunya.



Namun hutang akan bertukar menjadi dosa sekiranya pinjaman dilakukan dengan orang perseorangan atau syarikat yang mengenakan faedah riba. Nabi Muhammad ﷺ memberi ancaman berkaitan hal ini melalui sabda-Nya yang bermaksud:

“Allah melaknat pemberi riba, pemakan riba, penulis dan penyaksi.
Mereka semuanya sama.” (Hadis Riwayat Muslim)

Di samping itu, suka khatib mengambil kesempatan dalam Ramadan al-mubarak ini untuk mengingatkan diri dan sidang jemaah semua. Berbelanjalah dengan penuh hemah dan hikmah. Ketika mana Malaysia telah pun memasuki fasa *endemik* dengan hampir semua SOP termasuk aktiviti sosial kini dilonggarkan, usahlah kita berbelanja sewenang-wenangnya sama ada secara fizikal atau digital. “Hari Raya setahun sekali” tidak boleh dijadikan alasan untuk bermewah-mewah sehingga membawa kepada pembaziran atau keberhutangan yang serius. Fikir sebelum beli. Setiap yang halal akan dihisab, setiap yang haram akan diazab.

HADIRIN YANG DISAYANGI ALLAH,

Mengakhiri khutbah pada minggu ini, renungilah peringatan-peringatan berikut:

- 1- Cubalah seboleh-bolehnya mengelak daripada tabiat suka berhutang. Namun jika terpaksa berhutang bersegeralah melunaskannya apabila mampu.
- 2- Patuhilah arahan al-Quran dalam masalah hutang iaitu dengan merekodkan dokumen serta saksi yang benar.
- 3- Berusahalah hidup secara sederhana dengan mengurangkan amalan berhutang. Dunia hanyalah penjara bagi orang beriman sebelum menikmati kebahagiaan tanpa batas di akhirat.
- 4- Jika seandainya orang yang berhutang tak mampu membayar balik, pemiutang hendaklah menangguhkan dulu hutang tersebut atau hutang



itu ditukar kepada sedekah sebahagiannya atau kesemuanya. Sepertimana firman-Nya dalam surah al-Baqarah ayat 280:

وَإِنْ كَانَ ذُو عُسْرَةٍ فَنَظِرَةٌ إِلَىٰ مَيْسَرَةٍ وَأَنْ تَصَدَّقُوا خَيْرٌ لَّكُمْ إِنْ كُنْتُمْ تَعْلَمُونَ ﴿٢٨٠﴾

Maksudnya: “Dan jika (orang yang berhutang itu) dalam kesukaran, maka berilah tangguh sampai dia berkelapangan. Dan menyedekahkan (sebahagian atau semua hutang) itu, lebih baik bagimu, jika kamu mengetahui.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَىٰ سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



KHUTBAH KEDUA BULAN APRIL

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni



Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٥﴾
فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٦﴾

